

Broj: 01-02-309/26

Mostar, 30.03.2026. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 13-04-11/26			
Org. jed.	Broj	Priloga	Vrijednost
05/1	-02-	95	/26

**n/p g-din Dragan Mioković, predsjedavajući ✓
n/p gđa Marijana Hrvić-Šikuljak, zastupnica**

**Hamdije Kreševljakovića br. 3
71000 S A R A J E V O**

Predmet: Odgovor na zastupničko pitanje, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), povodom zastupničkog pitanja koje je postavila zastupnica u Zastupničkom domu Parlamenta Federacije Bosne i Hercegovine Marijana Hrvić-Šikuljak, a koje je Vladi Federacije Bosne i Hercegovine dostavljeno aktom sekretara Zastupničkog doma Parlamenta Federacije Bosne i Hercegovine, broj: 05/1-02-95/26 od 11. marta 2026. godine, Federalno ministarstvo trgovine, u okviru svojih nadležnosti daje sljedeći

O d g o v o r

Zastupnica u Zastupničkom domu Parlamenta Federacije BiH Marijana Hrvić-Šikuljak postavila je sljedeća zastupnička pitanja:

1. „Šta je Vijeće ministara BiH i Vlada Federacije Bosne i Hercegovine poduzela do sada zbog rata na Bliskom istoku i šta planirate poduzeti kako bi se što manje energetska kriza negativno reflektirala na ekonomiju u Bosni i Hercegovini“?
2. „ Da li će zbog američko-izraelskog sukoba sa Iranom, pored poskupljenja goriva doći i do poskupljenja električne energije u Federaciji BiH“?

U obrazloženju navedenih pitanja zastupnica Marijana Hrvić-Šikuljak navodi kako je usljed sukoba Rusije i Ukrajine te eskalacije sukoba na Bliskom istoku, došlo do značajnog rasta cijena nafte i plina na svjetskom tržištu, što je uzrokovalo lančani rast cijena električne energije, goriva i drugih proizvoda, uključujući i u BiH. Također, zastupnica se referisala i na cijene nafte navodeći kako su iste nedavno skočile za više od 25%, dosegnuvši najviši nivo od sredine 2022. godine, s očekivanim daljim rastom do 120 dolara po barelu. Nadalje naveden je rast

maloprodajnih cijena benzinskim pumpama u Federaciji BiH sa primjetnim razlikama u cijenama dizel goriva do 0,50 KM po litru, a cijena dizela i benzina znatno je porasla u odnosu na januar 2025. godine.

Kao potencijalna rješenja navodi zemlje u regionu koje su poduzele konkretne mjere za ublažavanje efekata energetske krize, npr. Hrvatska je ograničila cijene naftnih derivata na benzinskim pumpama, dok je Srbija donijela odluku o zabrani izvoza nafte i svih naftnih derivata za pogon motora, uključujući dizel i benzin. Cilj donesenih mjera je zaštita domaćih tržišta od nestašica i sprječavanje naglih skokova cijena usljed globalnih poremećaja.

Slijedom navedenog, Federalno ministarstvo trgovine u okviru svojih nadležnosti daje sljedeći odgovor:

Federalno ministarstvo trgovine u skladu sa Zakonom o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/08, 2/06, 8/06, 61/06), vrši upravne, stručne i druge poslove iz nadležnosti Federacije BiH koji se odnose na trgovinu, funkcioniranje jedinstvenog tržišta, uticaj privrednog sistema i ekonomske politike na tržište roba i usluga, odnose ponude i potražnje, cijene roba i usluga, zaštitu potrošača i druge poslove utvrđene zakonom. Imajući u vidu djelokrug poslova kojima se bavi ovo Ministarstvo poduzet je niz mjera i aktivnosti u proteklom periodu koje su imale za cilj regulaciju tržišta i životnih namirnica i drugih proizvoda, te naftnih derivata, a sve u cilju zaštite ekonomskih interesa potrošača u Federaciji Bosne i Hercegovine.

Dakle, Federalno ministarstvo trgovine, u okviru svojih nadležnosti, kontinuirano prati kretanja cijena na tržištu i poduzima mjere s ciljem zaštite potrošača i očuvanja stabilnosti tržišta u Federaciji Bosne i Hercegovine, posebno u uslovima globalnih poremećaja uzrokovanih sukobima u Ukrajini i na Bliskom istoku.

U cilju ublažavanja rasta cijena goriva, u Federaciji BiH je i dalje na snazi Odluka o propisivanju mjera neposredne kontrole cijena utvrđivanjem maksimalne visine marži za naftne derivate („Službene novine Federacije BiH“, broj 26/21), koju je dana 01.04.2021. godine na prijedlog Federalnog ministarstva trgovine donijela Vlada Federacije BiH, a kojom su ograničene marže naftnih derivata na 0,06 KM/l za veleprodaju i 0,25 KM/l za maloprodaju. Ova mjera direktno utiče na kontrolu finalnih cijena goriva i sprečavanje njihovog nekontrolisanog rasta.

Također, prema Uputstvu o načinu, sadržaju i rokovima dostave obavještenja o promjeni cijena i marži pojedinih proizvoda i usluga („Službene novine Federacije BiH“, broj 20/19), uspostavljen je sistem evidentiranja promjena cijena i marži za naftne derivate, čime se osigurava kontinuiran nadzor nad tržištem.

U funkciji transparentnosti i informisanja građana razvijena je i aplikacija FMT FBiH Oil info, koja omogućava uvid u aktuelne cijene goriva na svim benzinskim pumpama u Federaciji Bosne i Hercegovine, te prijavu nepravilnosti.

Kada su u pitanju energenti, podsjećamo kako je u Federaciji Bosne i Hercegovine na snazi Uputstvo o načinu, sadržaju i rokovima dostave obavještenja o promjeni cijena i marži za pelet („Službene novine Federacije BiH“, broj 100/25) doneseno u skladu sa članom 12. stav 2. Zakona o kontroli cijena („Službene novine Federacije BiH“, br. 2/95, 70/08 i 39/24), s ciljem unapređenja transparentnosti tržišta peleta, te prevencije neopravdanog rasta cijena. Sublimiranjem evidentiranih podataka

dostavljenih Federalnom ministarstvu trgovine na internet stranici ovog Ministarstva fmt.gov.ba objavljuju se maloprodajne cijene peleta kako bi građani stekli uvid u aktuelne cijene i dostupnost maloprodajnih cijena peleta na tržištu Federacije Bosne i Hercegovine.

Na kraju ističemo, kako je Federalno ministarstvo trgovine prateći kretanje cijena te odnose ponude i potražnje na tržištu Federacije Bosne i Hercegovine sve svoje mjere, odnosno odluke predlagalo Vladi Federacije Bosne i Hercegovine isključivo u situacijama kada postoji rizik od poremećaja na tržištu i iste su rezultat niza održanih konsultacija i sastanaka sa Udruženjem poslodavaca, udruženjima potrošača te Sindikatima trgovine.

Napominjemo, da su za nadzor i realizaciju svih navedenih mjera, zadužene federalna i kantonalna tržišna inspekcija, svaka u okviru svoje nadležnosti, u skladu sa ovlaštenjima propisanim zakonom i propisima kojima se uređuje inspekcijski nadzor.



MINISTAR

Amir Hasićević